

詩  
經  
類  
考

詩經類考卷之二十五

明武塘沈萬鈞仲容采輯

草木考上

草

說文云艸百艸從二艸又云艸斗櫟實也一曰櫟斗  
子徐鉉曰今俗以此爲艸木之艸別作阜字爲黑色  
之阜按櫟實可以染帛爲黑色故曰草通用爲草棧  
字○爾雅云卉草疏別二名又云湔荈荈華疏別草  
木榮華之異名又云荈根櫟橐含木謂之華草謂之  
榮不榮而實謂之秀秀而不實謂之英方言蘇芥草

也

## 荇菜

李如圭曰荇菜是水有之黃花葉似蓴莖可爲菹○

陸佃曰鬻其白莖以苦酒浸之脆美可案酒鬻卽煮

意

○陸機疏云接余白莖葉紫赤色正員莖寸餘浮

在水上根在水底與水深淺等大如釵股上青下白

杜詩紫荇牽風翠帶長○顏氏家訓荇似蓴莖根極

長江南人亦呼爲猪蓴河北俗人多不識之博士皆

以參差者是莧呼人莧爲人荇可咲○爾雅云荇接

余其葉荇註荇菜一名接余其葉名荇郭云叢生水

中荇與荇同亦或謂之鳧葵○爾雅翼云猪蓴與絲  
蓴並一種春夏細長肥滑爲絲蓴至冬短爲猪蓴亦  
呼龜蓴此與鳧葵殊不相似案荇菜今陂澤多有之  
葉卷漸開雖圓而稍羨不若蓴之極圓也葉皆隨水  
高低平浮水上花則出水黃色六出今宛陵陂湖中  
彌覆頃畝日出照之如金俗名金蓮子狀旣似蓴又  
猪好食民皆以小舟載取飼猪又可糞田或因是得  
猪蓴之名顧但非蓴菜耳○陸德明曰天官醢人陳  
四豆之實無荇菜以商禮詩咏時事故有之案風有  
采繁采蘋又有采藻采芡采芹之属水中甚多而醢

人所薦止于昌本茆芹深蒲而已物之爲道蓋自有  
所宜餘或芼羹之用豈可四物之外便謂商禮耶

### 葛

爾雅拔龍葛註葛類蔓生有節江東呼爲龍尾亦謂  
之虎葛細葉赤莖○博物志云野葛食之殺人人家葛  
種之三年不收後旅生亦不可食○月令廣義治葛  
毒少也卽野葛蔓生葉如蘿勒光而厚一名胡蔓少  
寘毒者多雜以生蔬進之悟者速以藥鮮不爾半日  
輒死山羊食其苗卽肥而大亦如鼠食巴豆其大如  
狫也○五月五日收貯葛根爲末治金瘡截瘡又療

消渴傷寒壯熱其粉益人

卷耳

卷耳爾雅曰苓耳也廣雅云卽泉耳也郭云亦曰胡  
泉江東呼常泉草木疏云幽州人謂之爵耳或曰苓  
耳形似鼠耳故有耳之號○陸機疏云葉青白色似  
胡荽白華細莖蔓生可煮爲茹滑而少味四月中生  
子如婦人耳中璫今或謂之耳璫出本州卷耳卽今  
蒼耳多刺叢生如盤趨藥中多用之崔實四民月令  
曰伏後二十日爲趨至七月七日乾之覆以胡葉故  
古人采之爾雅翼云卷耳菜名也幽冀謂之檀菜或

又謂之常思菜。僉人皆食之。一名施離騷。所謂資菜。施以盈室是也。一名羊負來。博物志曰：洛中有人入蜀，胡臬着羊毛。蜀人種之，曰羊負來也。陶隱居乃云：昔中國無此言，從外國逐羊毛中來。此物既稱胡臬，必是胡物，但其名出後代耳。卷耳野中所多，日夕羊下多負以歸，以此得名，未可知。

### 葛藟

爾雅云：諸慮山，梟注。今江東呼梟爲藤，似葛而纍大。說海及本草俱云：藟葛類，一名巨瓜，似燕薊，蔓延木上。葉艾白色，其子赤，可食，酢而不美。

酢音醅

如葡萄而

小五月開花七月結實青黑微赤此藤大者盤薄又名千歲藟一名繁蕪陶隱居云樹如葡萄葉如鬼桃

### 桃

夏小正云正月施桃華六月煮桃施桃山桃也煮以爲豆實也○春秋運斗樞曰玉衡星散爲桃桃者五木之精仙木也故厭伏邪氣制百鬼桃仁主去腸血閉殺小虫消心下堅癰破癥瘕有着樹不落者名桃梟謂如梟磔首木上也主殺百鬼精物療中惡腹痛五毒不祥正月採○埤雅云桃皮束莖幹頗急四年以上宜以刀斲其皮不然皮急則死○禮曰王吊則



巫祝以桃茱前王桃鬼所惡而茱以祓除不祥則知  
桃之能伏邪也○家語曰大果桃爲下祭祀不用不  
登郊廟周官飲食之邋曰其實棗栗桃乾榛榛實則  
桃僅祭祀不用而已○管子云五沃之土其果宜桃  
爾雅云模荆桃旄冬桃欂桃山桃桃李醜核又云桃  
曰膽之注荆桃今櫻桃冬桃子冬熱山桃實如桃而  
小不解核疏桃李之類子中有核人膽之者桃多毛  
拭治去毛令色青滑如膽也○鹽鐵論桃李之實  
多者來歲穰○江淹桃頌曰惟園有穀惟山有叢丹  
藹擎露紫榮繞風伊春之秀乃華之宗○崑崙山有

王桃光明洞徹而堅瑩須以玉井泉洗之便軟食可○  
木子之大者有積石山之桃實焉大如十斛籠○玄中記○  
漢明帝時常山獻巨核桃霜下結花隆暑方熟帝使  
植華林園中○明皇目千葉桃花爲銷恨花○西陽  
雜俎洛城華林園內有冬桃十月始熟形如括萐食  
之解勞一名王母桃○列仙傳曰得綏山一桃雖不  
能仙亦足以豪

### 芣苢

埤雅曰芣苢一名烏舄一名車前一名當道好生牛  
馬迹中故云車前當道也韓詩曰直曰車前瞿曰芣

莒生于兩傍謂之瞿○郭璞云江東呼爲蝦蟇衣草  
木疏幽州人謂之牛舌可嚙作茹大滑其子治婦人  
生難本草一名牛遺一名勝舄○山海經及周書王  
會韓詩皆云芣苢木也實似李食之宜子出于西戎  
衛氏傳及許慎並同此王肅亦同王基駁難云遠國  
異物非婦人所得采誠然長生略五日採車前子陰  
乾服輕身能跳越岸谷耐老長生○埤雅云神仙服  
食法曰車前之實雷之精也善療孕婦難產及令人  
有子按本草云生平澤丘陵阪道中然則一名勝舄  
亦或謂陵舄以此列子曰若蠅爲蟄得水爲蠃得水

土之際則爲蠅蟻之衣生於陵屯則爲陵舄車前也  
故或謂之蝦蟇衣○圖經云春初生苗布地如匙面  
累年者長及尺餘如鼠尾花甚細青色微赤結實如  
葶藶赤黑色今人五月採苗七月八月採實

### 喬木

爾雅云句如羽喬卷曲如鳥羽也上句曰喬上竦而  
曲卷者也如木楸曰喬楸在竦者也槐棘醜喬小枝  
上繞曰喬

### 楚

廣志曰楚荆也牡荆蔓荆也又曰赤荆大實者名曰

牡荊又有山荊○羅氏云楚者楚地所出其一名荊故楚國入春秋稱荊而荊州亦以此木得名今之牡荊作樹生者實細黃色而莖甚勁生子細如麻子比蔓荊實而細故稱小荊牡亦對蔓爲名非無實之謂也○本草圖經云牡荊卽作筌杖者枝莖堅勁作科不爲蔓生故曰牡葉如葦麻更疎瘦花紅作穗實細而黃如麻子大蔓荊莖高四尺對節生枝初春因舊枝而生葉類小棟夏盛茂有花淺紅色藥黃白花下有青萼秋結實斑黑如梧子大而輕虛○陶隱居登真隱訣注云尋荊有三種直云荊木卽是今可作筌

杖者葉香亦有花子子不入藥方術則用牡荊○顧  
微廣州記曰撫納縣出金荊微又曰白荊堪爲履紫  
荊堪爲牀萬南杜荊指病自愈節不相當者月暈時  
尅之養病

／ 萑

萑蒿一名萑萑生下田初生可啖江東用炙魚也陸  
機云葉似艾白色長數寸高丈餘好生水邊及澤中  
正月根芽生旁莖正白生食之香而脆美其葉又可  
蒸爲茹是也爾雅云購萑萑疏舍人曰購一名萑萑  
卽萑蒿也○爾雅翼云萑今古以爲珍菜○大招云

吳酸蒿萋不沾薄只王逸曰蒿繁草也萋香草也○  
管子云葉下于鬻鬻下于莧莧下于蒲蒲下于菁菁  
下于萋萋下于萋萋下于莽莽下于蕭蕭下于薜薜  
下于萋萋下于茅凡彼草木有二十衰

條枚

說文云條小枝也枚木別生條也

藜

本草曰藜蓬蒿也似青蒿而葉粗上有白毛從初生  
至枯白於衆蒿頗似細艾三月採爾雅所謂皤蒿也  
秋香美可食又可蒸爲藜一名游胡北海人謂之滂

渤故大戴禮曰繁游胡游胡滂渤也繁萬勃也皆豆  
實也○繁有二種一曰白蒿陸草也可以生蚕一曰蘿  
蒿水草也可以爲菹此繁當爲蘿蒿耳○爾雅云繁  
之醜秋爲蒿注醜類也春始生繁蕭莪之類氣味旣  
異故其名不同至秋老成通呼爲蒿也陸佃云蒿青  
而高繁白而繁羅願云莪卽古繁生澤田沮洳之處  
恐非詩人所指也

### 蕨

陸機疏蕨山菜也初生似蒜莖紫黑色可食如葵陸  
佃云狀如大雀拳足又如足之蹙故名蕨○周秦曰



蕨齊魯曰鰲俗云其初生似鰲腳故名

草木

○原始

云蕨初生如小兒拳展開如鳳尾吳中以其根爲粉  
黑色可充饑搜神記云有人折一枝食之心中快快  
成疾後吐一小蛇懸于屋前漸乾成蕨知此物不可  
生食○爾雅翼云今野人今歲焚山則來歲蕨菜繁  
生其舊生蕨之處蕨葉老硬敷披人誌之謂之蕨其  
廣雅云蕨紫其物性又云非也今道路負荷轉移者  
皆不肯食云令人脚弱蓋見其形似拘攣之狀亦或  
其性自當耳未可知也名之以蕨蓋謂蹙矣薇猶禮  
家用之蕨不復用當知其賤○通志云蕨一名鰲菜

牙也又有一種大蕨亦可食謂之藜蕨爾雅云藜月  
爾

### 薇

薇陸機云山菜也莖葉皆似小荳蔓生其味亦如小  
豆藿可作羹亦可生食今官園種之以供宗廟祭祀  
定本云薇草也胡氏曰疑卽莊子所謂迷陽迷陽或  
訓作亡陽或訓伏陽言詐狂或訓猖狂或訓迷明或  
訓亡明爾雅疏云草生于水濱而枝葉垂于水者曰  
薇未知孰是○禮芼豕以薇記曰鋤芼牛藿羊苦豕  
薇是也○通志云白薇曰白幕曰薇草曰春草曰骨

美又曰薇生水旁葉如萍或云詩言采薇者金櫻芽也或以爲今之野豌豆蜀人謂之巢菜○按本草薇有二種生平原川谷似柳葉者白薇也生水旁葉似萍者薇也詩云陟山采薇又云山有蕨薇則是山菜非所謂垂水者耳

蘋

夏小正湟潦生苹注苹萍也大者蘋江南爲漆又云苹莠注萍亦有華者卽蘋月令曰季春之月萍始生周書曰穀雨一日萍始生可糝蒸爲茹又可苦酒淹以就酒月令通考萍之大者曰蘋葉圓闊寸許葉下

有一點如水沫一名芣菜又曰葶中者曰荇菜卽鳧  
葵也小曰浮萍一名萍無根而浮江東謂之藻浮于  
水一夕生九子故名九子萍○韓詩沉者曰蘋浮者  
曰蓱○詩緝曰蘋可茹萍不可茹○范子計然曰水  
萍出三輔色青者善本草經曰水萍一名水華味辛  
寒治暴熱身癢下水氣勝酒烏鬚髮久服輕身一名  
水簾生雷澤○呂氏春秋曰菜之美者崑崙之蘋萍  
焉楚王渡江得萍實天問曰靡萍九衢本草稱水萍  
皆得萍名而實蘋也枝葉九道尤大于蘋矣○按蘋  
又有水陸之異柳惲所謂汀洲采白蘋者水生而似

蘋者也宋玉起于青蘋之末者陸生而似莎者也○  
淮南畢萬術曰老血變爲萍

聚血之精至黃泉也

### 藻

陸機云藻水草也生水底有二種其一種葉如鷄蘇大如箸長四五尺其一種莖長如釵股葉如蓬蒿謂之聚藻然則藻聚生故謂之聚藻也橫被水下有自然之文故古者象服有藻火之屬又畫于棹以爲飾亦以厭火鳧鴈屬亦樂于藻故曰鳧藻○爾雅荇牛藻荇其疏荇一名牛藻江東呼馬藻藻之葉大者也左傳蘋蘩蕰藻之菜此草好聚生故言蘩藻訓聚

也○埤雅蘋之言賓也蓼之言淥也又曰藻萍類似槐葉生道旁淺水中與萍雜至秋則紫今俗謂之馬藻亦呼紫藻草木疏以爲葉似蓬蒿莖如釵股而大按顏氏家訓云蓼牛蓼也卽機所謂如蓬者也郭璞注三蒼亦云蘊蓼之類則明非蘊蓼蘊蓼一名聚蓼淮南子曰容華生蓁蓁生萍藻萍藻生浮草盖非蒲蓼之蓼萍蓼之藻浮蒲蓼之蓼沉○箋云古者婦人先嫁三月祖廟未毀教於公宮祖廟旣毀教於宗室教以婦德婦言婦容婦功教成之祭牲用魚芼用蘋藻所以成婦順也

甘棠

甘棠郭璞云今之杜梨又曰杜赤棠白者棠然則甘棠者白棠也而赤者杜也陸機曰今棠梨也埤雅云其子有赤白美惡子白色爲甘棠赤棠子赤色澀而酢俗語澀如杜是也赤棠木理韌亦可作弓幹○急就篇云杜甘棠也牡者曰棠無子者也牝者曰杜有子者也○雅翼云每梨有十餘子唯一子生梨餘者生杜○通志云甘棠謂之棠梨其花謂之海棠花其實謂之海紅子○孫楚杖杜賦序云梨有用爲貴杜無用爲賤○字說云詩言甘棠以杜之美言杖杜以

棠之惡○九域志召伯甘棠樹在陝州府署西南隅  
梅

毛詩義疏曰梅杏類也樹及葉皆如杏而黑耳○周  
禮饋食之邊其實乾蓀乾蓀梅也○西京雜記上林  
苑有侯梅朱梅有紫花梅紫蒂梅同心梅荔枝梅臘  
脂梅麗友梅爾雅云時英梅疏時一名英梅郭云雀  
梅似梅而小者也○廣志曰蜀名爲蓀大如鴈子梅  
蓀皆可以爲油黃梅以熟蓀作之蓀音老大戴夏小正  
曰五月煮梅爲豆實○詩義疏曰梅曝乾爲腊羹臠  
羹中又可以含之口香○吳氏本草曰梅核能明目



益氣不饑○埤雅梅一名柟杏類其實酢子赤者材  
堅子白者材脆華在果子華中尤香俗云梅花優于  
香桃花優於色

### 白茅

易曰拔茅連茹以其彙征吉

孔注茅一名茹子

又曰藉用白

茅無咎象曰藉用白茅柔在下也孔子曰茅之爲物  
薄而用可重也周禮甸師祭祀供蕭茅茅之爲物柔  
順潔白可以施于禮者也故古者藉祭縮酒之類皆  
用焉郊特牲云縮酌明茅左傳爾貢包茅不入包茅  
山在麻陽茅生脊孟康曰零茅楊雄曰瑤茅三脊也

史記曰一茅三脊江淮間有之此靈物不可常貢也  
公羊傳曰鄭伯左執茅旌禹貢荊州包匭菁茅爾雅  
謂之藐廣雅謂之茈蒨本草云生楚地三月採陰乾  
猥人以社前者爲佳名鴉啣草○茅之不實者一名  
邀一名牡茅○吳錄地理志曰桂陽彬縣有菁茅可  
染布零陵有香茅任土貢之○王者建諸侯受之以  
土苴以白茅○合璧事類云茅叢生荒野間野人刈  
以覆屋

樸橄

爾雅云橄樸心疏樸橄一名心某氏曰樸橄榘橄也

有心能濕江河間以作柱

棠棣

棠棣移也本草曰扶移樹似白楊大十數圍江東呼夫移葉綠花黃埤雅云凡木之華先合後開此花先開後合陸機云奧李也一名雀梅亦曰車下李所在山皆有其花或白或赤五月中熟大如李子可食○本草云扶移木皮味苦燒木皮置酒中令味正經時不敗生江南山谷樹大十數圍無風葉動華反而後合○崔豹古今注云核楊圓葉弱蒂微風大搖一名高飛一名獨搖一名核楊一名核柳亦曰蒲核○雅

翼云齊民要術以高飛獨搖爲白楊之別名又本草  
白楊注云取葉圓大蒂小無風自動者故說者云葉  
無風自動此是核楊非白楊也

### 葭

爾雅云葭醜芳葭華葭蘆其萌薤注醜芳其類皆有  
芳秀風吹揚如雪聚于地如絮也葭卽蘆之成者葭  
華葭一名華卽今蘆也葦之未成者蘆蘆疏一名蘆  
郭云似葦而細高數尺江東呼爲蘆人以爲蘆箔因  
名也陸機云蘆水草也堅實牛食令肥疆青齊人謂  
之蘆葭蘆○莢亂疏葭一名蘆莢一名亂郭云蘆葭

也莢似葦而小實中江東呼爲烏蔴李廵曰分別葦  
類之異名如李云蘆葍共爲一草如郭云則蘆葍別  
草陸機云葍或謂之荻至秋堅成則謂之葍其初生  
三月中其心挺出其下本大如箸上銳而細揚州人  
謂之馬尾其萌蘆疏其萌名蘆郭云今江東呼蘆筍  
爲蘆又名騅○埤雅云字說曰蘆謂之葍其小曰雀  
荻謂之蘆其小曰葍其始生曰莢又謂之葍荻強而  
葍弱荻高而葍下故謂之荻莢中赤始生未黑黑已  
而赤故謂之莢其根旁行牽揉槃互其行無辨矣而  
又強焉故又謂之葍葍之始生常以無辨唯其強也

乃能爲亂○嚴粲云葭蘆蒲又名華一物四名

### 蓬

爾雅云齧彫蓬薦黍蓬註此別蓬種類也說文云蓬蒿也草之不理者也種類不一故有齧彫蓬薦黍蓬月令云藜莠蓬蒿並興是也其葉散生如蓬末大于本故遇風輒拔而旋雖轉徙無常其相遇徃徃而有故字從蓬說苑曰秋蓬惡于根本而美于枝葉秋風一起根且拔矣○通志云菰曰蓬今人謂之茭爾雅云彫蓬者米茭也其米謂之雕胡可作飯故曰齧黍蓬者野茭也不能結實惟堪薦藉故曰薦

栢

爾雅曰栢掬也疏栢一名掬雜記所謂暘白以掬者是也栢性堅緻有脂而香故古人破爲暢曰用以構鬱○尚書云荊州厥貢杕幹栢○周官曰冀州其利松柏廣志曰栢有續栢有計栢又曰一名汁栢○崔寔月令曰七月收栢實○九巖山龍鬚栢一年合抱○抱朴子曰大谷倒生之栢皆與天齊其長等地○山海經曰白於之山其上多栢土山多栢○列仙傳曰赤松子好食栢實齒落更生○泰山記曰山南有太山廟種栢樹千株大者十五六圍傳云漢武所種

從征記曰泰山廟中柏皆二十餘圍夾兩階赤眉嘗斫一樹見血而止今斧創猶在○秦穆公時有人掘地得物若羊將獻之道逢二童子謂曰此名爲韞常在地中食苑人腦若欲殺之以柏東南枝捶其首由是墓皆植柏又曰栢爲鬼廷

棘

爾雅云棘音冊刺郭璞曰草刺鍼也○方言云凡草木刺人比燕朝鮮之間謂之棘自關而西謂之刺江湘之間謂之棘○本草云白棘一名針刺一名棘刺棘刺花一名荈蓂唐本注云棘有赤白二種刺有兩種



有鈎有直補益宜用直者療腫宜用鈎者白棘莖白如粉子葉與赤棘同棘中時復有之亦爲難得也○  
畝經云棘小棗也叢高三四尺花葉都似棗而有赤白二種許氏曰字書棘如棗而多刺木堅色赤叢生白色者爲白棘實酸者爲檾棘園有棘之棘棘棘也爾雅云槐棘醜喬注枝皆喬竦說文重東爲棗並東爲棘沈括曰棗棘皆有刺棗獨生高而少橫枝棘列生卑而成林以此爲別其文皆從東東音刺木芒刺也東而相戴立生者棗也東而相比橫生者棘也不識二物觀文可辨○周禮曰左九棘孤卿大夫位焉

右九棘公侯伯子男位焉樹棘以爲位取赤心而外  
刺○春秋元命苞曰樹棘聽訟其下者願取其赤實  
也○舊云鵲巢中必有棘蓋棘性煖今人養花之法  
初春以棘數枝置花叢上可以辟霜護其莖芽也○  
晉經云酸棗野生多在坡坂及城壘間似棗木而皮  
細其木心赤色莖葉俱青花似棗花八月結實紫紅  
色似棗而貝小味酸○埤雅云棘性堅強費風之長  
養者其心之生更難于幹○雅翼云棘可以爲矢桃  
弧棘矢以禦王事是也

枹

說文云匏瓠也從包從夸聲包取其可包藏物也○  
埤雅曰長而瘦小曰瓠短頸大腹曰匏蓋匏苦而瓠  
甘復有長短之殊非一物也○正義曰陸機云匏葉  
少時可爲羹又可淹煮極美今河南及楊州人恒食  
之本草有苦瓠唐本注謂之苦瓠疑亦匏也○草木  
子云匏瓠牛踐苗則子苦○古今注曰匏之有柄者  
曰懸瓠可用爲笙曲沃者尤善秋乃可用之用則漆  
其裏壺蘆瓠之無柄者瓢亦瓠也瓠其總瓢其也別○  
詩緝云匏經霜其葉枯落然後乾之腰以渡水○懸  
瓠潘岳所云河汾之寶是也小者名瓢食之勝瓠陶

貞白所言是也細腰者名蒲盧淮南子云百人抗浮是也匏亦可通名壺鵠冠子云中流失船一壺千金

葑菲

葑菲釋文今菰菜也古人言菜之美者曰春初早韭秋末晚菰江南有菰江北有蔓菁相似而異○埤雅云梗長葉瘦高者爲菰葉濶厚短者爲蕪菁日華子云蔓菁梗短葉大連地上生濶葉紅色者是○正義曰釋草云須葑菰孫炎曰須一名葑菰坊記注云葑蔓菁也陳宋之間謂之葑陸機云葑蕪菁幽州人或謂芥方言葑蕪菁也陳楚謂之葑齊魯謂之蕪關

西謂之蕪菁趙魏之郊謂之大芥其小者謂之辛芥其紫華者謂之蘆菔音經云葦于通志云塞北名九英一物凡得十名○事物原始云三蜀江陵人呼蔓菁爲諸葛菜諸葛每出師處種此菜故名音絢曰取其纔出可生啖葉舒可煮食久居隨以滋長棄去不惜易尋而採冬則根可剝食其利甚溥劉禹錫曰諸葛菜與蘆菔相似爾雅云突蘆肥釋名曰紫花菘似蕪菁之大根俗呼爲雹突一名蘆菔今訛呼爲蘿蔔韻府亦云蔓菁卽蘆菔一名土酥如劉禹錫所言則諸葛與蘆菔爲二如谷風所言葍卽蔓菁蜀呼蔓菁

爲諸葛則三名爲一物並錄以俟○菲釋草又云菲  
芴也郭璞云土瓜也孫炎曰蒿類也釋草又云蔥菜  
郭璞曰菲草生下濕地似蕪菁華紫赤色可食陸機  
云菲似蒿莖粗葉厚而長有毛三月中蒸鬻爲茹滑  
美可作羹幽州人謂之芴爾雅謂之蔥菜今河內人  
謂之葍菜爾雅菲芴與蔥菜異釋郭注似是別草如  
陸機云又是一物

### 荼

月令四月苦菜秀今人多不識的爲何物考神農本草  
一名荼草一名選一名游冬凌冬不死爾雅荼苦

菜是也朱注亦云又顏氏家訓引易緯通卦驗玄扈  
云苦菜生于寒秋經冬曆春乃成一名游冬葉似苦  
苣而細斷之有白汁花黃似菊又按唐王冰注素問  
引古月令四月吳葵華而無苦菜秀一句本草吳葵  
龍葵析爲二條其形與性所說不殊唐本草注吳葵  
云卽關河間謂之苦菜者俗作鵝兒菜又名野苦蕒  
升庵集○埤雅亦以荼爲苦菜○顏氏家訓江南別有  
苦菜葉似酸漿花或紫或白子大如珠熟時或赤或  
黑此菜可以釋勞按郭璞注爾雅此乃識黃蔞也今  
河北謂之龍葵又高誘注呂氏春秋曰榮而不實曰

英苦菜當言英則非龍葵也○時訓解云小滿之日  
苦菜秀苦菜不秀賢人潛伏○陸機云苦菜生山田  
及澤中得霜恬脆而美所謂董茶如飴內則云濡豚  
包苦用苦菜是也○儀禮云鉶芼羊苦○衍義云苦  
菜四方皆有在北道則東方凋斃在南方則冬夏常  
青葉如苦苣更狹其綠色差淡味苦花與野菊似春  
夏秋皆旋開花○詩緝云經有三茶一曰苦菜二曰  
委葉三曰英茶誰謂茶苦及采苦采苦董茶如飴之  
茶皆苦菜也茶蓼之茶委葉也有女如茶英茶也一  
名茅秀鴟鴞子所將茶傳云莢茗疏云亂之秀穗亦



英茶之類○爾雅有五茶什草茶苦菜漆虎杖漆委  
葉萐萐茶什木櫝苦茶詩中有三如嚴坦未之論列  
是也○周禮掌茶以時聚茶以供喪事○國語吳王  
萬人爲方陳白常白旂素甲白羽之矰望之如荼常  
昭云茶茅秀也

### 薺

春秋繁露云薺以冬美冬水氣也薺甘味也乘于水  
氣而美者甘勝寒也薺之爲言濟與濟大水也陶隱  
居注云薺類甚多此是今人可食者○薺冬至春開  
白花一名甘草甘草先生則歲豐又云薺實疏本

草云薺味甘溫主利肝氣和中人取其葉作菹及羹

亦佳其子別名薺

才何切

○爾雅曰薺蕒大薺也○通

志云薺之類甚小自生園圃或以爲薺萑○淮南子

曰薺麥冬生而夏死○抱朴子曰薺麥大蒜仲夏而

枯○爾雅翼曰薺枝葉細靡通謂之靡月令孟夏之

月靡草死鄭氏稱舊說云靡草薺亭薺之屬○夏侯

湛賦曰寒冬之日余登乎城跬步北園睹衆草之萎

悴覽林果之零殘悲纖條之槁摧慙枯葉之飄殢見

芳薺之時生被畦疇而獨繁鑽重氷而捉茂蒙嚴霜

以發鮮含盛陽而弗萌在太陰而斯育未安性于猛

寒羗無寧乎煖燠齊精氣于款冬均貞固乎松竹

榛

原始云榛樹高一二丈葉幹同白栗冬華春實秋熟外殼堅內肉香大如指○正義曰榛木名栗屬其子小似柿子表皮黑味如栗是也○詩義疏云榛栗屬有二種其一種之皮葉皆如栗其子小形如杼子表皮黑味亦如栗所謂樹之榛栗者也其一種枝莖如木蓼生高丈餘作胡桃味遼代上黨皆饒○周禮邊人云饋食之邊其實榛內則云棗栗榛柿○雅翼云榛枝莖如木蓼葉如牛李色高丈餘子如小栗核中

悉如李生則胡桃味膏燭又美亦可噉漁陽上黨皆  
饒鄭注禮曰似栗而小關中鄜坊甚多然則其字從  
秦從此意也又一種大小枝葉如栗子形如杼味亦  
如栗所謂樹之榛栗者是大木非榛楷之榛若女贅  
則宜兩者皆可用○本草齒經云桂陽有亲而叢生  
實大如杏子中仁皮子形色與栗無異但差小耳又  
有與栗皆與栗同子負而細或云卽亲也今此色惟  
江湖有之○按說文以榛爲木而亲爲果然則山有  
榛之榛當作亲而樹之榛栗宜爲榛矣

苓

爾雅字作藟注今甘草也一名大苦反言之也蔓延  
生葉似荷青黃莖赤有節節有枝相當或云苓似地  
黃本草云一名國老百藥毒安和七十二種石一  
千二百種草故名國老者賓師之稱蓋藥有一  
君二臣二佐三使苓其賓師也故藥罕不用者  
雖非其君而君實宗焉久服輕身延年一名密甘一  
名美草一名蜜草一名落草○畚經云甘草河西川  
谷積沙山及上郡今陝西河東州郡皆有之春生青  
苗高二三尺葉如槐葉七月開紫花似柰冬結實作  
角子如畢豆根長者三四尺粗細不定皮赤上有橫

梁梁下皆細根也有數種以堅實斷理者爲佳詩采苓首陽首陽山在河東蒲坂縣今甘草所生處相近而先儒說苗葉與今全別豈種類有不同者乎○筆談云甘草枝葉悉如槐高五六尺但葉端微尖而糙澁似有白毛子如小扁荳齒嚙不破

### 萸

埤雅云列子曰因以爲萸靡萸讀如稊稊茅之始生也詩曰手如柔荑萸一也○箋云萸可以供祭祀讀詩記云大過九二枯楊生稊鄭康成易作萸然則所謂稊者凡草木根芽皆是非獨茅也○七月疏云

蕘是葉之新生者

茨

爾雅茨蒺藜易云據于蒺藜言其凶傷○埤雅云蒺藜布地蔓生細葉子有三角刺人狀如淺而小一名茨可以茨墻故名茨○爾雅云旱草也歲欲旱蒺藜先生蒺之言疾也兵家鑄鐵爲之以梗敵路亦謂之蒺藜○陶隱居云多生道上其葉布地子有刺長安最饒人行多着木屐○本草衍義云蒺藜有二等一等杜蒺藜卽今之道旁布地而生或生墻上有小黃花結芒刺此正是墻有茨者又一種白蒺藜出同州

沙苑牧馬處黃紫花作莢結子如羊內腎

唐

畜經釋曰唐也蒙也女蘿也兔絲也一物四名也本草夏生苗如絲蔓延木上生實如蚕子許氏曰唐蒙非可食之物不知何以爲菜名頗弁傳曰女蘿兔絲松蘿也則又名松蘿矣釋草文云蒙王女孫炎曰蒙唐也則通松蘿王女爲六名爾雅翼陸機云今兔絲蔓連草上正黃赤如金藥中兔絲子是也非松蘿松蘿自蔓生松上正青與兔絲殊異然兩者皆附木或當有時相蔓耳○本草經云菟絲子一名菟蘆一名



菟縷一名唐蒙一名玉女一名赤綱一名菟纍生朝  
鮮川澤田野蔓延草木之上色黃而細爲赤綱色淺  
而大爲兔纍○陶隱居云田野墟落中甚多皆浮生  
藍紵麻蒿上○日華子云苗莖似黃麻線無根苗多  
附田中草被纏死或生一叢如席濶開花結子不分  
明如碎黍米粒八月九月以前採○淮南子曰兔絲  
無根而生茯苓抽兔絲死○抱朴子曰按仙方中自  
有合離草一名獨搖一名離母所以爲之合離離母  
者小草爲物下根如芋魁有子十二枚周環之去大  
魁數尺雖相須而實不連但以氣相屬耳如兔絲之

草下有伏兔之根無此兔在下則絲不得生于上然實不屬也○又內篇云兔絲初生之根其形似兔掘取剖其血以和丹服之立變化任意所作○史記龜策傳曰下有茯苓上有兔絲○謝朓兔絲詩曰輕絲既難理細縷竟無纖瀾漫已萬條連綿復一色安根不可知縈心終不測

### 麥

說文曰麥芒穀秋種厚蘊故謂之麥○春秋說題辭云麥之爲言殖也寢生觸凍而不息精射刺直故麥含芒事且立也○增韻麥者革也受四時之氣白虎

通金旺而生火旺而死○爾雅翼云麥者接絕續乏之穀故以爲重董仲舒曰春秋于他穀不書至無麥禾則書見聖人于五穀重麥與禾也○參同契八月麥生天罡據酉注八月建酉而月將爲天罡天罡屬辰而辰中有乙麥生于此月由乙木之生氣據于酉也○有所謂雀麥燕麥蘧麥皆似麥之草○廣志曰稊麥似大麥出涼州旋麥三月種八月熟出西方赤小麥而肥出鄭縣有半夏小麥有秀芒大麥有黑穢麥○禮記孟夏農乃登麥天子乃以彘嘗麥○仲秋行夏令則陽氣不勝麥乃不登○夏小正三月祈麥

實麥實者五穀之先見者故急祈而記之九月鞠榮  
鞠草也鞠榮而樹麥時之急也○尚書大傳云秋昏  
星虛可以種麥○援神契云黑墳宜黍麥○武帝勸  
關中種麥明堂月令亦有仲秋勸種麥之文其有失  
時行罪無疑凡以接續所賴懼民不以爲意耳又禾  
下卽種麥爲稍勞故鄭司農注稻人稱今時謂禾下  
麥爲萁下麥言萁萁其禾于下種麥又注薙氏云俗  
間謂麥下爲萁言萁萁其麥以其下種禾豆則是卒  
歲之間無曠土閒農此惰農所難故勸之麥比他谷  
獨隔歲種故號宿麥小麥生于桃二百四日秀秀後

六十日成蓋秋種冬長春秀夏實具四時之氣自然  
兼有寒溫冷熱故小麥微寒以為麴則溫麴熱而麴  
冷地煖處亦可春種夏收然有毒河渭以西白麥麴  
涼以其春種缺二時氣使然也鄭注月令云麥實有  
孚甲屬木黍秀舒散屬火麻實有文理屬金菽實有  
孚甲堅合屬水稷五穀之長屬土古者朝事之豆有  
麴黃先儒以麴為熬麥許叔重以為煮麥又小麥屑  
皮謂之麴小麥屑之麴謂之麴蘇果反麥麴屑十斤為  
三斗者謂之麴直隹反麥末謂之麴麥丘謂之麴丘  
反餅籀謂之麴空谷反若麴昨哉反麴戶人反麻麥若麴謂

之麤

時有反

堅麥謂之麤

胡沒反

又相謁食麥謂之飮陳

楚之間謂之養

非尾反

楚人謂之飮

在各反

秦人謂之饌

饌

鳥困切

○呂氏春秋云得時之麥

稠長而頸黑二

七以爲行而服薄

音灼

而赤色稱之重食之致香以

息使人肌澤且有力先時者

肘動

蚰蛆而多疾

均音

後時者弱苗而穗蒼狼薄色而美芒又云孟夏之督

殺三葉而穫大麥稀首生而麥無葉而從事于蓄藏

蔡邕月令章句云百谷各以其初生爲春熟爲秋故

麥以孟夏爲秋

○本草齒經云麥有大麥小麥穰麥

蕎麥穰麥有二種一種類小麥一種類大麥

○歲時

詩經

卷之五

上

三

上

上

上

言部類六 耳才卷二五  
記夏至日取菊爲灰止小麥蠹○西番以麥熟爲歲  
首廣月拾遺記胡中有指星麥四月大星出麥熟而  
穫之蘖用水漬三夕而萌芽平旦雞鳴而用之俗呼  
爲雞鳴麥以釀酒醕美久含令人齒動大醉則肝腸  
消爛俗謂消腸酒○遍考宋真宗時壽州上瑞麥一  
本五穗咸平年亳州麥一莖兩穗祥符年梓州麥四  
岐兗州麥八岐 崔鴻前涼錄曰永加元年嘉麥一  
莖九穗生于姑臧

麴

爾雅翼云麴者周所受瑞麥一作牟又作麋卽今之

麴還得麴之本名麴是小麥爲之麴細餅麴也麴有

華英字典

次

卷之五



衣趨也大麥宜爲飯又可爲酢其漿可爲飴

### 桑

爾雅桑辨有椹椹郭璞曰辨半也舍人云桑樹一半有椹半無椹爲椹○陳藏器云椹利五臟通血氣久服不饑本草齒經云椹有白黑二種暴乾皆主變白髮○王盤農書云荆桑多椹魯桑少椹○爾雅曰女桑榑桑榑桑山桑樹一半有椹半無椹爲椹榑音夷長條者爲女桑○幽州有谷桑可作布見詩義疏○典術曰桑木者虛星之精一云箕星木虫食葉爲文章人食之老翁爲少童○禮記季春之月命野虞無

伐桑柘○本草經曰桑根旁行出土上者名伏蛇治心痛○異苑北方有白樾長數寸食之甘美○山海經曰宣山有桑六五十尺其枝四衝葉大尺赤理春華名之曰帝女之桑一云婦人主蚕因以爲名又曰陽谷上有扶桑十日所浴又曰東北海外赤水在圓丘南有三桑而無枝皆高百仞又曰衡山多桑○漢興平元年九月桑再堪時劉玄德軍于沛年荒穀貴士民皆饑仰以爲糧○十州記曰扶桑在碧海中有天帝宮東王所治有樾樹高數千丈二千圓兩幹同根更相依倚故曰扶桑仙人食根體作紫色其樹雖

大樾如中夏桑也九千歲一生實味甘香○神異經  
曰東方有樹焉高八十丈敷張自輔葉高一丈廣六  
尺名曰扶桑有樾○五溪蠻地桑味苦葉小分三叉  
蚕所不食玃狔取皮績布○蜀志曰先主舍東南角  
離上有桑樹生高五丈餘遥望幢幢如小車蓋往來  
者皆怪此樹非凡○續博物志云野桑生石上取以  
爲弓不膠漆而固

### 栗

毛詩義疏曰栗五方皆有周秦吳楊特饒唯漁陽范  
陽栗甜美長味他方不及也倭韓國上栗大如雞子

亦短味不美○周官曰饋食之邇其實栗大戴禮云  
八月栗零零也者降也零而後取之故不言剝也禮  
記曰栗撰之又曰虞主用桑練主用栗○詩義疏曰  
桂陽有栗叢生大如柿子○西京雜記曰上林苑有  
侯栗瑰栗魁栗雙栗槐栗榛栗嶧陽栗○辛氏三秦  
記曰漢武帝果園大栗十五枚一斗○段公路北戶  
錄云勤州出栗子形味俱劣一年方熟○埤雅栗味  
鹹北方之果也有萊謂自裹○東觀書曰栗駭蓬轉  
蓋今栗房秋熟罅發其實驚駭如爆去根幹甚遠所  
謂駭栗其以此歟○唐本草注云栗作粉勝于菱芡

蜀本云樹高二三丈葉似櫟花青黃色似胡桃花○  
畝經云兗州宣州者最勝實有房彙若拳中子三五  
小者若桃李中子惟一二將熟則暴開子出有茅栗  
佳栗其實更小而木與栗不殊但春生夏花秋實冬  
枯爲異耳栗房當心一子謂之栗楔治血尤効○嶺  
表錄廣州無栗惟勒州山中石栗一年方熟皮厚肉  
少○三韓之地大栗如梨見魏志○雅翼云栗味鹹  
性溫而宜於腎其質縝密故稱玉縝密以栗

椅

正義曰椅梓也舍人曰梓一名椅○雅翼云郭氏解

椅梓云卽楸又解楸榎云大而皴七雀楸小而皴榎  
說文亦曰椅梓也梓楸也楸梓也榎楸也然則椅梓  
楸榎一物而四名定之方中旣言椅又言梓故陸機  
云楸之疏理白色而生子者爲梓梓實桐皮曰椅則  
大類而小別也○日華子云椅樹皮有數般惟楸梓  
佳

### 桐

東坡云凡木本實而末虛惟桐反之試取其小枝削  
之皆堅實如蠟而其本皆虛故世所以貴孫枝者貴  
其實也

梓

齊民要術云白色有角者爲梓或名角楸又名子楸  
黃色無子者爲柳楸世人見其木黃呼爲荆黃楸也  
○本草注曰似桐而葉小花紫亦有三種爲百木王  
無子者爲楸又一種鼠梓名曰梗亦楸屬也○禮斗  
儀曰君乘火而王其政和平梓爲長生○伯禽康叔  
見周公三見而三咎商子曰二三子觀乎南山之陰  
見梓晉然晉肅實而俯二子見商子曰梓者子道也  
二子入門而趨登堂而跪周公拂其首勞而食之○  
釋木云大而皴楸小而皴榎楸梧早脫故楸謂之秋

楸美木也故曰山居千章之楸其人與萬戶侯等重  
子曰木名三時草命一歲若椿從春榎從夏楸從秋  
所謂木名三時茅從子黃從寅郊從郊蒿從酉茅從  
亥茅從丁茂從戊芑從巳華從辛葵從癸之類夢書  
曰榆爲人君楊爲使者楸爲讚謁今柳謂之絲楸謂  
之線按楸有行列莖榦喬竦凌雲華高可愛至秋垂  
條如線俗謂之楸線○雅翼云梓爲百木長故古者  
名制器之工爲梓人楚地尤多此木故尸子曰荆有  
長松文梓室屋之間有此木則餘材皆不復震其葉  
可以飼豕肥碩三倍莢細如箸其長僅尺冬後葉落



而莢猶在樹總總然○十道記云越人多種豫章樹梓卽豫章也○古今注曰棘實曰棗梓實曰豫章○淮南子云六月其樹梓

### 漆

本草注曰高二三丈皮白葉似椿花似槐子若牛李木心黃以斧斫其皮開以竹筒盛之注滴則成漆也○說文云漆木汁可以音髹音物象形音黍如水滴而下○書云兗州厥貢漆絲豫州厥貢漆枲○蜀本注云上等清漆色黑如鑒若鐵石者好黃嫩若蜂窠者不佳○洽聞記曰濟國南海中有三島各相去數十里上出

黃漆樹六月破樹腹承取汁漆器物若黃金奪目

蟲

蟲陸機疏云今藥草貝母也葉如桔萸而細小其子在根下如芋子正白四方連累相着有分解是也○爾雅蔕貝母疏一名蔕郭云根如小貝圓而白花葉似韭本草一名空草陶注云出近道形似聚貝子故云貝母是也○本草畝經云根有瓣子黃白色二月生莖細青色葉亦青似蕎麥葉隨苗出七月開花碧綠色形如鼓子花八月採根曬乾又云四月蒜熟時採之良此有數種○日華子消痰潤心肺○本草別

說云能散心胸鬱結之氣殊有功

竹

綠竹韓詩作藁○毛傳謂綠王芻也竹篇竹也竹韓詩作蕩篇筑也郭璞云今呼白脚莎卽藁蓐草也似小藜赤莖節好生道旁可食又殺虫草木疏云有草似竹高五六尺淇水側人謂之藁竹也恐非○漢志武帝塞瓠子決河薪柴少乃下淇園之竹以爲撻又寇恂傳伐淇園之竹爲矢百餘萬○竹葉一名升斤竹花一名草花出本草竹花曰復死曰筴六十年一易根則結實枯死草木○又云桃枝竹以四尺爲一

節○魏志曰倭國有桃枝竹○山海經曰嶠冢之山  
隰水之上多桃枝竹又曰衛丘山南帝俊竹林在焉  
大可爲舟○竹根曰鞭以鞭行時八月爲春二三月  
爲秋凡百穀皆以始生爲春成熟爲秋竹譜○蓬山  
有浮雲之幹葉青莖紫子如大珠有青鸞集其上風  
吹竹折聲如鐘磬之聲拾遺記○江寧縣慈姥山生竹  
作簫笛有妙聲自伶倫采竹嶰谷其後惟見于此俗  
呼曰鼓吹山王褒洞簫賦所稱卽此冊陽記○梁簡文  
脩竹賦玉潤桃枝之麗魚腸金母之名○羅浮山第  
三十一嶺半是巨竹皆七八圍長一二丈葉若芭蕉

謂之龍鍾竹

南越志

○月令通考慈竹四月生江南人

以灰煮食之其竹內實節疎性弱可代藤形緊細○

竹譜四季竹長節而圓中管籥生山石者其音

清亮

○

筍譜甌越以南筍簞笋七八月生縉雲以南多簞笋

七月生至十月味苦○竹八月謂之小春熟欲去寒

欲來氣至而來故曰小春○蜀有筍竹笋俱有刺者

八九月生

筍譜

○河圖曰少室之山大竹堪爲甌○山

海經舜林中大竹一節可以爲船漢竹大者一節受

一斛小者數升爲楔榼○晉書五月十三日爲竹醉

日亦曰竹迷日是日栽竹必活○吳僧筍譜每月抽

笋謂之月竹笋狀輕短叢生如箭竹萌人不食也○  
竹之品類六十有一譜云竹有雌雄雌者多笋凡根  
上第一根雙枝是雌若獨枝者是雄○筴實衙空二  
竹名亦見竹譜○淮南子云六十年一易根輒結實  
而枯死其實落地復生六年遂成町○武林山西旧  
有雙竹院中所產修篁嫩條皆對抽並胤王子敬竹  
譜所謂扶竹猶海上之桑兩兩相比所謂扶桑也扶  
竹之笋名曰合歡按律書注伶倫取嶰谷之竹陽律  
六取雄竹吹之陰呂六取雌竹吹之蜀涪州有相思  
崖昔有童子與女相說交贈今竹有桃釵之形笋亦

有柔麗之異崖曰相思崖竹曰相思竹○筴竹蜀中  
產羅甸國尤多筴音古切竹名傷人則死一名桂竹又名  
防露言其上防密露下疎來風見竹譜○爾雅莽數  
節桃枝四寸有節糲堅中簡筴中仲無筴筴箭萌篠  
箭疏此辨竹節希數及中空實萌篠之異名也凡竹  
節間促數者名莽相去四寸有節曰桃枝其中堅實  
者名糲其中空者名簡筴空中仲無筴註未詳筴一  
名箭萌卽筴也篠一名箭書曰篠蕩旣敷尚書顧命  
云敷重篾席孔安國篾桃枝竹糲音各簡音閏筴音徒兌音杭筴音待○  
竹節相去一丈曰簞○禮記曰日短至則伐木取竹

箭○郭義恭廣志曰雲母竹大竹也櫛竹細而多刺也篋竹堪作笛簾竹宜爲屋椽篋竹皮青內白如雪軟韌可爲索漢竹大者一節受一斛小者數升爲枰榼利竹蔓生實中堅韌○竹田曰篁竹胎曰笋竹膚曰篔竹皮曰筠竹裏曰笨竹枚曰箇竹約曰節剖竹未去節曰箨○竹實開花如棗結實如麥江淮號爲竹米以爲荒年之兆其竹卽死信非鸞鳳之食也近有餘干人來言彼有竹實大如雞子竹葉層層包裹味甘勝蜜食之令人心肺清涼生深竹林茂密處雖日久枯乾而味常存乃知鸞鳳所食必非常物也



集  
○浣女破竹得兒見華陽國志襄子剖竹有朱書  
見史記○盛弘之荊州記曰臨賀東山中有大竹數  
十圍高亦數十丈有小竹生其旁皆四五圍下有磐  
石徑四五丈極方正青如彈碁局兩竹曲垂拂掃石  
上初無塵穢未數十里聞風吹此竹如簫管之音○  
零陵記云桂竹之野產桂竹來風防露上合下疎每  
日一出羅統金翠卽所爲笙竹也○岑華山在西海  
之西有篴竹爲簫管吹之若群鳳之鳴述異記○晉惠  
帝元康二年巴西郡界竹生花紫色結實如麥外皮  
青中赤白味甚甘

# 瓠

草木子瓜瓠子曰犀○爾雅云瓠棲瓣註棲瓠中瓣也一名瓠瓣○埤雅瓠狀要類于首尾類于要微銳緣蔓而生○風俗通曰八月秋穰可以殺瓠取其色澤而堅類從以爲瓠死燒穰瓜亡煮漆卽此是也今俗蓄瓠之家不燒穰種瓜之家不焚漆物類相感志曰牛踏蔓上則苦乘者以瓠盛酒冬則煖夏則冷○雅翼云瓠匏之甘者古者王政瓜瓠果蓏殖于疆場正月可種瓠六月可蓄瓠詩云斷瓠瓠中白膚所謂張蒼肥白如瓠也可以飼豕致肥其瓣可以作燭致

明其葉又可爲菜詩所謂幡幡瓠葉也瓠與匏以大  
小長短甘苦爲間然古今亦通言瓠惠子稱魏王貽  
我大瓠之種

葭莢

毛傳葭蘆莢蘆也郭璞曰蘆葦也蘆似葦而小實中  
江東呼爲烏區如李巡以蘆蘆爲一草如郭則蘆蘆  
別草陸機云蘆或謂之荻至秋堅成則謂之荻初生  
三月中其心挺出其下本大如箸上銳而細揚州人  
謂之馬尾○鴻烈解積蘆灰以止淫水蘆生于水故  
積聚其灰以止淫水淫水平地出水也

# 檜

檜柏葉松身書作栝字禹貢云荊州貢栝幹栝栢注  
云松葉栢身曰栝栢葉松身曰栝與此一也○字說  
云檜栢葉松身則葉與身皆曲栝松葉栢身則葉與  
身皆直栝以曲而從之檜以曲而會之○雅翼云檜  
一名栝性耐寒其材大可爲舟及棺槨左傳稱棺有  
翰檜而淇水檜楫松舟也今人亦謂之圓栢以別于  
側栢又一種別名檜栢不甚長其枝葉乍檜乍栢庭  
宇植之以爲玩

## 茳蘭

正義曰釋草云薤薤蘭陸機疏云一名薤摩幽州人謂之雀瓢蔓生葉青綠色而厚摘之白汁出食之甜脆嚮爲茹滑美其子長數寸似瓠子沈氏括曰薤蘭生莢支出于葉間垂之正如解結錐故以爲興轍之制亦當如葉但今不復見耳

### 薤

萱說文云薤令人忘憂草也又作薤及萱其葉四垂其附六出鹿頻食之又名鹿葱壺子所謂鹿性警烈多別良草常食九物葛葉花鹿葱鹿藥白蒿水芹甘草齊頭蒿山蒼山薤薤是也婦人有孕者服之尤良

又名宜男別號療愁花詩萱花兒女花不解壯憂○  
南方草木狀水蔥花葉皆如鹿蔥花色有紅黃紫三  
種出始興婦人懷孕佩其花生男者卽此花非鹿蔥  
也交廣人佩之極有驗然其土多男不厭女子故不  
常佩鹿蔥卽萱則與宜男草非一種矣晏元獻公謂  
鹿蔥花中有鹿斑文與萱大同小異開花亦不並○  
董子曰欲忘人之憂者則贈之以丹棘丹棘一名忘  
憂欲觸人之忿則贈之以青堂青堂一名合歡○齒  
經云萱味甘而無毒主安五臟利心志令人好歡樂  
無憂輕身明目五月採花八月採根用今人多採其

言系類三  
草木部三  
嫩苗及花跗作葅利胸膈甚佳○述異記云萱草一名紫萱吳中書生呼療愁花○徐勉萱賦云信茲華之獨茂挺全質于炎辰旣耀色以祛毒亦含香而可珍同芰荷于闌暑及蟬露于首曼其葉四垂其跗六出亦曰宜男嘉名斯吉華而不艷雅而不質

木瓜 木李 木桃

考工記弓人取幹之道木瓜次橘○蜀本注云其樹枝狀如柰花作房生子火乾甚香○陶隱居云山陰蘭亭尤多○木瓜狀如梨而長皮光生不堪食摘浸醋中一月方可食種法以秋社前後移栽次年便結

子勝如春間栽者又壓枝亦生○本草曰木瓜狀如柰花生于春末深紅色其實大者如瓜小者如拳爾雅謂之楸徐氏曰瓜有瓜瓟桃有羊桃李有雀李此皆枝蔓也故言木桃木瓜木李以別之○潞安府志木瓜爾雅謂之楸木宣州有大如瓜者故曰木瓜實始成時時人鏤紙作花傳其上日暴之紙所不覆處皆成紅文彩如生以克貢曰花木瓜非異種也又有一種楨櫨木葉花實酷類木瓜欲辨之看蒂間別有重蒂如乳者是木瓜也○本草云味甘酸花如棠○草木子木瓜一尺一百二十二節○廣志曰木瓜子



可藏枝可杖○雷公云真木瓜皮白微赤黃香酸甘  
不澁調榮衛助穀氣向菓子頭尖一面方勿誤用和  
圓子蔓子土伏子○水經注魯復縣多木瓜子大如  
瓶○埤雅木瓜善療筋轉陶隱居云如轉筋時但呼  
其名及書上作木瓜字輒愈蓋梅聖之而蠲渴楸書  
之而緩筋理有相感不可得而詳也諺曰梨百損一  
益楸百益一損接人之道宜有以益之而報人則欲  
其堅久故詩曰投我以木瓜報之以瓊瑤也江左故  
老視其實如小瓜而有鼻食之津潤不木者謂之木  
瓜圓而小於木瓜食之酢澁而木者謂之木桃木李

大于木桃似木瓜而無臭其品又下木桃亦或謂之木梨蓋聲之誤也臭卽瓜之脫華處其著華處乃臍也按魚龍河圖曰瓜有兩蒂兩臭者殺人則臭與蒂異矣木瓜性脆木李性堅今人以蜂飴漬之者取木瓜煎之者取木李○素問曰李韭皆酸李東方之果木子也其字从木从子性頗難老老雖枝枯子亦不細其品處桃上故果屬有六桃最爲下又曰桃曰膽之棗李曰薺之蓋棗李之臍去薺而已舊云桃李種法大率欲方兩步一根密則陰輒相扇不惟子細味亦不佳也化書曰李接桃而本強者其實毛梅接杏

而本強者其實甘此明造化之權有以知巧而移矣  
○春秋運斗樞曰玉衡星散爲李○爾雅曰李之無  
實者名休蓋無實則無嫌而其下可休矣一名趙李  
座接虞李今麥李也與麥同熟爲果肉厚而乾與核  
相離駁赤李子赤也○鹽鐵論曰桃李實多者來歲  
謂之穰○本草曰李根治瘡服其花令人好顏色凡  
李實熟食之皆好除固熱調中食之不可合雀肉食  
又不可臨水上噉之李皮水煎含之治齒痛○李木  
之多子者故从子○郭義恭廣志曰車下李車上李  
又曰麥李細小有溝道有黃建李青皮李馬肝李赤

李房陵李○鄴中記曰華林園有春李冬華春熟○

南居細李四月先熟○杜陵有金李○貞觀中王華

官李連理隔澗合枝見唐書○杜陵有金李李大者

謂之夏李尤小者呼爲鼠李桃之大者爲木桃

連異記

○陵定山有朱仲李園三十六所潘岳閒居賦云防

陵朱仲之李李尤果賦云三十六園朱李是也中山

有縹李大如拳者呼仙李李尤果賦曰如拳之李陸

士衡果賦曰中山之縹李又云仙李縹而神李紅

述異

記○西京雜記上林苑有紫李合枝李朱李黃李綠

李青李縹李青房李羗李燕李猴李沈朱李浮素李

蠻李王侍郎鼠穴生李樹花實並美名鼠精李又有  
顏淵李出魯國○好事集云崔奉國有無核李東都  
嘉慶坊有李其實甘鮮稱嘉慶子○洞冥記曰琳國  
去長安九萬里生玉葉李色如碧玉數十歲一熟味  
酸昔韓衆嘗餌此李因名韓衆李

### 黍稷

許氏曰黍似梁而非梁稷今之稌也二物稍相似黍  
黃而稷黑黍小而稷大蓋古之梁卽今之粟古之粟  
卽今之穀粟穀實之總名

### 黍

本草云黍米味甘溫無毒主益氣補中○春秋說題辭云精移火轉生黍者緒也故其立字禾入水爲黍以防老○家語孔子曰黍者五穀之長祭先王以爲上盛○呂氏春秋云得時之黍芒莖而微下穗芒以長搏米而薄糠舂之易而食之不噪而香如此者不飴先時者大本而華莖殺而不遂葉葉短穗后時者小莖而麻長短穗而厚糠小米鉗而不香○說文大暑種黍故云黍○淮南子大火中則種黍菽○周書云凡禾黍居南中○白虎通云清明風至則黍稷滋閭閻風至則種粟麥黍○原始云黍其苗如蘆而

異於粟粒亦大於粟其稊米與粟米相似而粒殊大  
○廣志曰有鶩領黍又有驢皮黍牛黍南尾秀成赤  
黍馬革大黑黍秬黍有溫毛黃黍白黍○詩緝云黍  
有二種黏者爲秬可以釀酒不黏者黍今關中總謂  
之糜子黏者曰黏糜子不黏者曰飯糜子關東人謂  
黍爲黃糯黍酒謂之黃米酒黍有丹黍白黍黑黍唐  
本注云黍有數種亦不似蘆似粟而非粟○梁實云  
或黏或不黏或高而實黑或低而實黃皆謂之黍○  
爾雅翼曰黍从禾雨省聲孔子曰黍可爲酒禾入水  
也然則又以禾入水三字合而爲黍不但從雨而已

黍以大暑而種故農家以三月上旬爲上時四月上旬爲中時五月上旬爲下時然月令仲夏之月農旣登黍矣天子以鷄嘗黍羞與含桃先薦寢廟爲鄭說者以爲黍非新成直是舊黍蓋鄭解孟秋所登之穀爲黍稷故以仲夏爲未熟若未熟何得言登且所謂舊黍者自去歲孟冬與彘餅食數月於此矣豈待今而後嘗耶黍固有蚤晚晚者不妨至孟秋始熟故庶人秋乃薦黍此天子之禮自重其先熟者而嘗薦之耳故蔡邕以爲今之蟬鳴黍亦猶十月穫稻而天子所嘗乃九月熟者謂之半夏稻亦其類也黍之秀特



舒散故說者以其象火爲南方之穀黍之爲物香故

凡香之馨類黏之黏

戶切

吳

黏

尼切

質

皆從之又古人作

履黏以黍米謂之黎其雪桃亦用黍以黍黏去桃毛

也孔子先食黍以黍爲五穀之先桃爲五果之下故

捨不用耳黍又擣以爲飴謂之餒餒楚辭曰秬秠蜜

餌有餒餒言以蜜和米麴煎熬作秬秠又有美飴衆

味甘具也屈原死楚人以菰葉裹黍飼之謂之角黍

### 稷

爾雅云稌稷註今江東呼粟爲稌左傳云稌食不鑿

稌者稷也曲禮稷曰明稌然則

稌

也稌也粟也是一

物而本草稷米在下品別有粟米在中品又是二物  
先儒甚疑焉○廣志曰稷有破藏稷逼麥稷此二者  
以四月熟本草曰稷米甘無毒主益氣補不足○徐  
鉉云楚人謂之稷關中謂之糜其米爲黃米爾雅翼  
云冀州謂之黍音牽○稷所以爲五穀長者以其中  
之穀月令中央土食稷與牛五行土爲尊故五穀稷  
爲長又古者號稷爲首種孟春行冬令則雪霜大摯  
首種不入蔡邕以首種爲麥以麥隔歲種而鄭康成  
以爲稷者蓋以考靈曜云日中星鳥可以種稷謂是  
一歲之初所先種者惟稷况又孟春正種稷之時而

云首稷不入卽是極寒種不入土不待歲收然後爲入也稷又名齊小宗伯所爲辨六齊之名物與其用是也杜子春又欲讀酒正五齊皆爲粢以禮運有粢醴在堂意以粢穀爲醴則餘四粢亦皆粢穀爲之然破五粢從一粢於義不可故後鄭但以爲齊者以度量節作之更讀禮運粢醴爲齊此說之不同者也○月令云孟春行冬令首種不入舊說首種謂稷王藻云子卯稷食而菜羹又云沐稷而醺粢○陶隱居云稷米亦不識書多云黍與稷相似○疏云稷苗六月時也稷穗七月時也稷實八月時也○稷五穀之長

故陶唐之世名農官爲后稷其祀五穀之神與社相配以爲五穀不可偏祭故祭其長以該之稷又名齊或爲粢故祭祀之號稷曰明粢而言粢盛者本之禮運粢醴在堂是也稷又名稭呂氏春秋飯之美者有陽山之稭然則稷也粢也稭也字有古今異文語有輕重殊音耳以上羅端良說見升菴集

蒲

毛詩云蒲草也說文蒲水草也可以作席蒻蒲子可以爲平席埤雅云蒲水草也似莞而褊有脊生于水厓輕揚善泛柔滑而溫可以爲席故男執蒲壁言有

安人之道也○世說蒲柳之質望秋先零蒲水楊也爾雅楊蒲柳○爾雅云莞苻離其上蒿今水中莞蒲可作席也左傳曰齊侯澤之桂蒲舟鮫守之不與民共又曰臧文仲妾織蒲○孔氏曰陸機云蒲柳有兩種皮正青者曰小楊其一種皮紅者曰大楊其葉皆長廣于柳葉皆可爲箭幹故宣公十二年傳曰董澤之蒲可勝旣乎○漢書曰路溫舒父爲里監門使溫舒牧羊乃取澤中蒲截以爲牒編用寫書又曰元帝疾時史丹以親密侍疾唯上獨寢直入卧內頓首伏青蒲上青蒲綠也○山海經曰孟于之山其上多蒲○

東觀漢記曰劉寬溫仁多恕吏民有過但用蒲鞭罰之示辱而已○按左傳與漢書所云則水蒲與蒲柳與董澤之蒲似爲二種○周禮醢人深蒲醢醢鄭司農云深蒲蒲弱入水深故云深蒲○陸機云蒲始生取其中心入地者名弱大如七柄正白生噉之其脆煮而以苦酒浸之如食筍法○詩緝云斯干下筦簟云小蒲則莞精蒲粗○本草圖經云蒲柳其枝勁韌可爲箭筈又謂之荏蒲卽水楊也○本草注云水楊葉圓濶而赤枝條短硬多生水岸○古今注云蒲柳生水邊葉似青楊一名蒲楊枝勁細任矢用○詩緝

云楊可爲舟又可爲屋材○古詩云青蒲綠蒂生我池中

### 菹

菹朱註謂卽益母草葉似荏荏白蘇也方莖白華葉生節間本草曰荒蔚一名益母節節生莖實細如雞冠子而三菱黑色○正義曰釋名云菹菹李巡曰臭穢草也一云菹閭是也○爾雅註李巡曰菹臭穢草也陸機云舊說及魏博士濟陰周元明皆云菹閭是也○傳云菹離也○本草經云荒蔚子一名益母一名益明一名大札一名貞蔚生海濱地澤衍義云荒

蔚子葉至初春亦可煮作菜食凌冬不彫瘁

### 蕭

正義曰釋草云蕭荻李巡曰荻一名蕭陸機云今之所謂荻蒿者是也或云牛尾蒿似白蒿白葉莖粗科生多者數十莖可作燭有香氣故祭祀以脂燕之爲香蕭可以祭故字从蕭禮王度曰士蕭庶人艾蕭艾不同明矣○周禮甸師祭祀供蕭茅○管子葉薺下於薺薺下於井井下於蕭蕭下於薺薺下於薺薺下於茅○雅翼云蕭生於春待秋三月乃成○詩緝云



蒿者總名蕭蒿之香者也

# 艾

本草經云艾葉味苦微溫無毒生田野○圖經云初春布地生苗莖類蒿而葉皆白以苗短者爲佳陳久方可用○崔實月令云三月可採艾○爾雅艾冰臺疏艾一名冰臺卽今艾蒿也草之可以艾病者一名灸草一名醫草歲或多病則艾生俗五月五日未雞鳴采之或曰見似人者攬而取之用灸有驗○博物志曰削冰至圓以向日以艾于後承其影得火○漢武內傳曰西王母神仙次藥有靈叢艾○五十曰艾

艾歷也又長也○爾雅翼云蕭與艾本皆香草古者  
天子祭以鬯諸侯蕙大夫蘭士蕭庶人艾至離騷則  
薄之曰戶服艾以盈要今謂幽蘭其不可佩又云何  
昔日之芳草兮今直爲此蕭艾也蕭艾雖非惡物然  
比之蕙蘭芳草則有間矣五十曰艾言其歷年之久  
少女亦稱曰艾艾者外也春秋外傳曰國君好艾大  
夫始好內適子殆社稷危韋昭亦以艾爲外彼好外  
者謂嬖臣此少女蓋是少年外舍之婦及其有妻子  
則慕妻子矣妻子爲內則知少艾者外也○師曠占  
云歲欲疫病草先生病草艾也

言部類  
麻

爾雅翼云麻實又有文理故屬金爲西方之穀明堂  
月令秋食麻與犬秋氣旣涼又向寒無害故食當方  
之穀牲而至仲秋則又以犬嘗麻先薦寢廟也邠風  
九月菽苴食農夫者不嫌于晚耳麻實謂之蕢故古  
者朝事之逆熬麻麥以實之之蕢蕢又麻于植物  
中最爲多子故桃夭稱有蕢其實寓繼嗣繁衍之意  
說文云葩勑未泉實或作贖則音雖異而意同後世  
說本草者或以蕢爲牡麻之華則與詩雅所說大異  
麻華亦自古人所貴故九歌云折疏麻兮瑤華將以

遺兮離居說者曰麻花色白故比于瑤此華香服食  
可長年特不可爲蕢耳又有縠者亦麻類有實音如  
頃畝之頃說文引詩衣錦縠衣字或作頃作苧又作  
大廻切則通于聚類要皆此布之衣也○臬麻與麥  
互相爲候麥黃種麻麻黃種麥種臬太蚤則堅剛厚  
皮多節晚則皮不堅寧失于早不失于晚○春秋說  
題辭云麻之爲言微也陰精寢密女作纖微也麻生  
於夏夏衣物成禮儀故麻可以爲衣陽成于三物以  
化故三變縷布也宋均曰麻枝葉成謂之衣三變生  
成形一變也漚取皮二變也積成爲縷三變也○呂

覽云得時之麻必芒以長踈節而色陽小本而莖堅厚泉以均後熟多榮日夜死復生如此者不蝗○管子云五沃之土其陽則安樹之五麻若高若下不擇疇所其麻大者如箭如葦大長以美其細者如萑如蒸欲有與名大者不類小者則治揣而藏之若衆練絲○淮南子云汾水濛濁而宜麻○四時纂要云種麻熟耕地縱橫七遍以上生則無葉○周禮典泉掌布絲縷紵之麻草之物以待時頒功而受齋及獻功受苦功以其賈揭而藏之以待時頒䟽云苦功謂麻功○本草曰麻一名麻勃此麻上花勃勃者麻子味

其平無毒圓圓所蒔卽今人所作布者○麻一名泉  
有實曰麻無實曰泉○胡麻亦有實本生大宛淳黑  
者名巨勝蘇恭曰八稜者名巨勝四稜六稜者曰胡  
麻或曰莖圓名胡麻莖方名巨勝又一葉兩莖名巨  
勝廣雅謂之狗強一名狗莖一名油麻一名方莖八  
穀中最爲大勝故名巨勝或云卽芝麻者非○爾雅  
泉麻賡泉實䟽泉麻也苧麻母麻子名也故曰賡泉  
實也○禮記曰苴麻之有賡者○麻之盛子者一名  
苧一名麻母雅黃麻之下雪不積○廣雅曰苴藤  
弘胡麻也抱朴子曰胡麻一名方莖服餌不老耐風

濕其葉名青襄○王子年拾遺記曰東極之東有紫  
實之麻粒如粟色紫迺爲油汁如清水食之目視鬼  
魅也又曰有倒葉麻如倒苣紅紫色亦名紅水麻言  
水寒乃有實食之令人自潔又曰有飛明麻葉黑實  
如玉風吹之如塵亦名胡塵麻

### 杞

樹杞之杞則柳屬爾雅云旄澤柳毛詩義疏曰樹杞  
杞柳也生水旁樹如柳葉粗而白木理微赤今人以  
爲穀今淇水旁魯國泰山汶水邊路純杞柳也○爾  
雅疏郭云今枸杞也陸機疏云一名苦杞一名地骨

春生作羹茹微苦其莖似葦子秋熟正赤莖葉及子服之輕身益氣○本草圖經云今人取其細條火逼令柔勒屈作箱篋河朔尤多

### 檀

檀陸機疏云木皮正青滑澤與槩迷相似又似駁馬駁馬梓榆故里語曰斫檀不諦得槩迷槩迷尚可得駁馬槩迷一名挈榼音榼故齊人諺曰上山斫檀挈榼先殫○論衡云楓桐之樹生而速長故其皮肥不能堅剛樹檀以五月生葉後彼春榮之木其材彊勁車以爲軸○雅翼云淮南子十月檀檀陰木也



舜

舜華又名及舜取一瞬之義又廣志曰日及木槿也  
○舜木槿釋草云椴木槿椴木槿陸機云舜一名木  
槿一名椴一名椴齊魯之間謂之王蒸五月始華故  
月令仲夏木槿榮爾雅翼云木槿今人植爲籬易生  
之物也抱朴子曰夫木槿楊柳斷植之更生倒之亦  
生橫之亦生生之易者莫過斯物也仲夏應陰而榮  
月令取以爲候潘尼云朝菌者詩人以爲舜華莊子  
以爲朝菌其物向日而結終日而隕則又以爲朝菌  
矣又曰木槿作飲令人得瞑與榆同功其花川作湯

代茗可以治風然茗令人不睡水榼令人睡爲異耳  
說文匭舛草也楚謂之菑秦謂之萑蔓地連華象形  
舞則今隸變爲舜然云蔓地則不同○衍義云如小  
葵花淡紅色五葉成一花○篤論云日給之花似柰  
柰實而日給虛虛僞之與真實相似也○傳玄云薺  
花麗木也謂之日給或謂之洽容或謂之愛老潘尼  
以爲朝菌○傅盛賦云應青春而敷藥逮朱夏而誕  
英布天天之纖枝發灼灼之殊榮紅葩紫蒂翠葉素  
莖含暉吐曜爛若日星○成公綏云日及華甚鮮茂  
榮于孟夏迄于孟秋○玄中記曰君子之國地方千

里多木槿之華人民食之去琅琊三萬里○羅浮山  
記曰木槿一名赤槿花甚丹四時敷榮

扶蘇 橋龍 游松

埤雅龍紅草也爾雅曰紅龍古其大者藟一名馬蓼  
葉大而赤白色生水澤中高丈餘今人猶謂之水紅  
草詩曰山有扶蘇隰有荷華山有橋龍隰有游松皆  
山澤之所養以自美者也傳曰扶蘇扶胥木也橋高  
也游縱也木橋聳于上草游縱于下則山隰之所養  
以自美者至矣○爾雅翼云龍與荷華是隰草之偉  
者然所配扶蘇橋松不同按管子有五粟五沃五位

五隱五壤五浮之土謂之上土五沃之土則桐作扶  
櫨秀生莖起五臭疇生蓬與蘼蕪藎本白芷然則首  
章言扶蘇荷華應此五沃之土也其五位曰其山之  
淺有龍與斤羣木安遂條長數丈其乘其松其杞其  
茸次章言橋松游龍應此五位之土也此皆土之最  
美者特非子都子充而狂且狂童之爲見則所美非  
美矣淮南言水草之始海間生屈龍屈龍生容華容  
華生藎藎生萍藻萍藻生浮草凡浮生不根莖者生  
于萍藻屈龍豈亦此龍草耶本草經云葑草主消渴  
去熱明目益氣一名鴻鵠如馬蓼而大生水旁五月

採實○陶隱居云馬蓼生下濕地莖斑葉大有黑點最大者是葑○圖經云葑中卽水紅下濕地皆有之陸機云一名馬蓼○經云似馬蓼而大則馬蓼自然一種

### 茹蘆

茹蘆爾雅翼云染絳之草葉似棗葉頭尖下潤莖葉俱澁四五葉對生節間蔓延草木上根紫赤色今所在有八月採根說文曰人血所生故一名地血今茹蘆能治血○爾雅云茹蘆茅蒐陸疏云齊人謂之茜徐州人謂之牛蔓今蒨草也○陳藏器云周禮庶氏

掌除蠱毒以嘉草攻之嘉草藜荷與茜王蠱爲最○  
周禮掌染草掌以春秋歛染草之物○貨殖傳云千  
畝梔茜其人與千戶侯等

蘭

蘭蘭也蘭種甚多入藥者有馬蘭山蘭花可玩者有  
春蘭秋蘭夏蘭鳳尾蘭素蘭石蘭竹蘭玉梗蘭崇蘭  
春蘭花生葉下素蘭花生葉上名蘭山○荀子云蘭  
槐之槐是爲芷大戴禮蘭氏之根懷氏之苞漸之修  
矣君子不近庶人不服注蘭槐香草名槐又作懷本  
草云懷卽杜衡也又名衡薇香唐詩情人一去無窮

已欲贈懷香恨不逢○楚詞浴蘭湯兮沐芳華大戴  
禮五日蓄蘭爲沐浴本草云蘭乃澤蘭非今之勾蘭  
花也○蘭至秋而色紅故曰紅蘭木蘭大樹高數丈  
冬夏榮茂葉有三道縱文冬花實如柿甘美其皮可  
食去皮不死公輸班用以造船故稱蘭舟○朱子曰  
蘭與澤蘭相似生水旁紫莖赤節綠葉光潤尖長有  
岐陰小紫○埤雅云蘭香草也而文闌草爲蘭蘭闌  
不祥故古者爲防刈之也一名蘭蓋蘭以闌之蘭以  
閒之其義一也○草木疏云蘭爲王者香草其莖葉  
皆似澤蘭廣而長節中赤高四五尺藏之書中辟蠹

故古有蘭省芸閣○蘭陸機云其莖似藥草澤蘭但  
廣而長節節中赤高四五尺可著粉中藏衣著書中  
辟白魚葢今之蘭草都梁香也○爾雅翼云蘭草大  
都似澤蘭澤蘭葉尖微有毛不光潤方莖紫節八月  
花白人多種于池亭此蘭生澤畔葉光潤其陰小紫  
所以一名都梁者都梁縣有山山下有水清淺中生  
蘭草因名都梁可殺虫毒除不祥故鄭人相與秉蘭  
而祓除因以淫佚又云蘭是香草之最而古今沿習  
但以香草當之如陸機楚辭之說皆是蘭草以之解  
秉蘭可也非古之所謂蘭蘭葉如莎首春則茁其芽



長五六寸其杪作一花花甚芳香大抵生深林之中  
林愈深則莖愈紫故稱幽蘭若蘭草生水旁秋復再  
芳故有春蘭秋蘭○黃庭堅記云蘭與蕙甚相類其  
一幹一花而香有餘者蘭一幹五六花而香不足者  
蕙只在春芳○按蘭中澤蘭自陶隱居蘇恭已不能  
辨陳藏器始能別之而行義更有異論云蘭草葉如  
門冬而潤且韌長一二尺四時常青花黃中間葉上  
有細紫點春芳者爲春蘭秋芳者爲秋蘭色淡秋蘭  
稍難得今江陵鼎澧州山谷有之山外平田卽無生  
于幽谷其葉殊不與澤蘭相似澤蘭纔出土便分枝

梗葉如菊而尖長若香臭稍類耳

芍藥

芍藥本草一名黑牽夷生山谷及中岳○韓詩曰芍藥離草也牛亨問曰將離相贈以芍藥何也董子答曰芍藥一名可離將別故贈之猶相招贈之以文無故文無一名當歸芍藥榮于仲春華于孟夏傳曰驚蟄之節後二十有五日芍藥榮是也素問王冰注雷乃發蟄之下有芍藥榮芍藥香草制食之毒者莫良于芍藥故獨得藥之名所謂芍藥之和共而後食之

岑樓氏曰句  
出于虛句

又七發曰芍藥之醬今人食馬肝腸者

猶合芍藥而煮之崔豹古今注云芍藥有二種有草芍藥有木芍藥木者花大而色深俗呼爲牡丹非也安期生服鍊法云芍藥有二種有金芍藥有木芍藥金者色白多脂木者色紫多脉此則驗其根也然牡丹亦有木芍藥之名牡丹初無名故依芍藥以爲名亦如木芙蓉之依芙蓉也芍藥花譜總別四十二種宋劉攽揚州芍藥譜凡三十一種孔仲武揚州芍藥譜三十三種廣陵志芍藥譜三十二種世傳以黃者爲貴○欲忘人之憂贈丹棘丹棘一名忘憂欲蠲人之忿贈青裳青裳一名合歡又有折柳贈行折梅寄

遠屈軼指佞帝休不愁

山海經

芍藥養性

博物志

臯蘇釋

忿

王粲書

甘棗不惑

東晉蒙記

樹有長生

鄴中記

木有無患

纂異文

○廣雅云攣夷芍藥也○本草云一名白水一

名餘容一名犁食一名解倉一名鉞生中岳川谷及

丘陵圖經云春生紅芽作藥莖上三枝五葉似牡丹

而狹長高二二尺夏開花有紅白紫數種子似牡丹

而小秋時採根根亦有赤白二色○山海經云條谷

之草多芍藥洞庭之上多芍藥○范子曰芍藥出三

輔○建寧記曰建寧出芍藥極精妙○按芍藥即今

芍藥也毛氏云香草陸疏云今藥草芍藥無香未審

今何草董氏則以古今注芍藥可離唐本草云可離  
江離而別以芍藥爲江離矣

柳

說文柳小楊也○朱傳云楊之下垂者○本草云柳  
花一名柳絮唐本注云柳與水楊全不相似水楊葉  
圓潤而赤枝條短硬柳葉狹長青綠枝條長軟陶云  
柳卽水楊恐非○青史子云柳南方之草夏木也○  
夏小正云正月柳穉穉發孚也○埤雅云柳柔脆易  
生之木與楊同類縱橫顛倒植之皆生○通志曰柳  
曰天棘南人呼爲楊柳○柳有數種而觀音柳尤奇

其葉細而幹赤其花細巧晴變色晴明則花紅雨晦則花白將晴則花粉紅色○著微編柳有八德一不擇地而生二易植易長三先春而青四深冬始瘁五質直可取材六堅韌可制器七穗葉可療治八歲可刈條枚以薪蓋梓材之良器也○蜀柳枝條甚長狀若絲縷爾雅榦柜似柳皮可煮飲溫叟詩話云漢苑有柳狀如人號曰人柳一日三起三倒○爾雅又有旄澤柳柳生澤中者別名旄又云蒲柳生澤中可爲箭竒左傳所謂董澤之蒲也按此楊也非柳也柳名醜條見爾雅沃民之國有白柳見山海經○山海經

曰廐音山之西有谷焉名曰麓谷其木多柳風伯之  
山熊山真陵之山水多柳平丘山爰有楊柳○古今  
合璧云樹高二三丈許嬾娜枝條葉細而長者曰柳  
樹低枝立葉小者楊楊花入水經宿化爲浮萍柳花  
浸空如雪

莠

莠孔疏云仲虺之誥曰若苗之有莠若粟之有秕  
似粟莠似苗也○國語云馬饋不過狼莠韋昭注云  
似稷而無實○韋昭問答云甫田惟莠今何草答云  
今之狗尾也○月令云孟春行秋令藜莠蒿萊並興

○戰國策曰幽莠之秀也似禾○雅翼云莠者害苗之稼今狗尾草也似稷而不結實無處不生莠既惡物故言之不美者謂之莠言

### 莫

莫陸機云董菜也莖大如箸赤節一節三葉如柳葉厚而長有毛刺味酸而滑五方通謂之酸迷冀州人謂之乾絳吳越之俗呼爲茂子子如楮實而紅○原始孔疏陸機云莫赤節節一葉今人纔以取蘭緒其味酢而滑始生可生食又可爲羹

### 蕒



薺一名牛脣郭璞云如續斷寸寸有節拔之可復陸  
機疏云今澤藹音也葉如車前而大味亦相似徐州  
廣陵人食之○本草澤瀉一名水瀉及瀉芒芋鵠瀉  
生汝南地澤陶隱居云葉狹長叢生諸淺水中仙經  
服食斷穀皆用之亦云身輕能步行水上圖經云春  
生苗多在淺水中葉似牛舌獨莖而長秋開白花作  
菜似穀精草